

功

蟲

錄

功蠶錄卷下目錄

黑面白青

六年庚辰出長安顯德福

杭碼七釐

白牙淡青

又出

杜阿中

七釐

白牙方青

又出昭文頂山高增年

七釐

烏青

又出虞山楊四美

六釐

紫金背

又出昭文

六釐

老殼重青

又出江陰周莊蘇蘆溪

八釐

脆項重青

又出處同

六釐

老白青

七年辛巳出長安惠一一毛

八釐

油黃

又出長安趙連喜

杭碼七釐

紅牙方青

八年壬午出虞山張伯用

六釐

白青麻

又出長安

四釐

黑藍尖翅

九年癸未出昭文楊家橋
盛傳宗

八釐

方青大頭

又出石慶大

八釐

紅牙乾青

又出大河許玉林

七釐

白牙青

又出虞山

七釐

老黑紫黃

十年甲申出邵文大河

六釐

金青麻頭

又出羊尖張伯用

六釐

白牙重青

又出馬市陸昌美

杭碼八釐

紅牙青尖翅

又出羊尖張添

六釐

乾青

十一年乙酉出嚴家橋

小六釐

藍項白青

又出杭州巴子門外王小鈞

六釐

黑沙青

又出虞山石巷

八釐

白青大頭

又出長安沈三和

八釐

烏背青

又出虞山小時橋陸仲山

八釐

黑沙白青

又出王莊顧大奎

七釐

白牙淡青

又出長安

八釐

小淡青大頭

又出長安沈五來

杭碼五釐

金背白青

又臨安將臺地土郭文秀來

六釐

烏青大頭

又出虞山許福林來

七釐

小淡青大頭

又出 張二

八釐

青頂白肉淡青

十二年丙戌出長安
馮子文來

七釐

白牙重青

又出 杜福珍

七釐

銛字青大頭

又出昭文顧四四

八釐

老殼沙青

又出 周春大

六釐

黑殼紫青

又出長安石井

八釐

紅沙白肉紫

又出虞山顧四因

梳碼四釐

小青大頭

又出

顧海大

五釐

白牙真黑

十三年丁亥出嚴家橋
西鄉朱小弟來

七釐

紅牙淡白

又出長安韓阿福來

七釐

白牙黑藍青

又出虞山高第第來

大六釐

青項金青

又出虞山頂山童海金來

八釐

愈字青尖翅

又出常州沈雲來

七釐

白牙紫青

又出昭文

八釐

紅牙紫白

又出頂山

五釐

丁巳金
麻頭老白青

十四年戊子出
崔家巷

杭碼八釐

白牙重青

又出

頂山童淨金

八釐

白牙蟹青

十五年己丑出杭州

五釐

白肉油青

又出杭州

七釐

蘆花淡紫

又出

將臺郭文秀來

八釐

小白牙青

又出昭文

大六釐

淡紅麻頭

又出昭文

八釐

苗葉青尖翅

十六年戊寅出杭州

五釐

范玉閨來

黑大頭

又出昭文石慶大

七釐

白青尖翅

又出杭州

杭碼九釐

白牙深青

又出

白石廂張如春來

七釐

白牙乾頭

十七年辛卯出長安
周正發來

八釐

黑殼淡青

又出昭文顧四四來

七釐

淡白青麻

又出杭州將臺郭文秀子
郭春來

七釐

紅牙白

又出長安周富生來

六釐

老紫黃

又出長安

四釐

烏背紅牙青

又出昭文

六釐

青項黃麻

又出

馬伯大來

六釐

老黑紫

又出昭文克仁字號來

杭碼五釐

大牙油青

又出杭州

四釐

小稻葉青

又出本城東門

二釐

壬辰七月丁未印完

功蟲錄卷下

錫山无悶道人述

黑面白青

深圓頭重青項海棠花頭皮鬪絲細白貫頂鍋底黑面
寶石紅鉗光彩奪目絨細肉淺碧翅頗似苗葉青此係
青多白少之蛭善鬪耐冷深湯健若早秋比鬪十餘柵
冬至時猶食全飯不退亦難能可貴也

白牙淡青

深圓大頭老青毛項青金頭皮淡金鬪路黑面老白鉗

功起錄
腰背渾厚肉鱗絨細兩尾尖長純作紫色淡青金翅如
泉水澄清鳴聲震耳曾饒大十毫不行夾亦深秋出色
之蛩也

白牙方青

起頂大頭方青項青金頭皮細白鬪路生相方幅殼薄
聲洪白牙粗壯如筍椿樣色輕倩類苗葉性最躁烈開
盆每馳驟跳躍不可逼視然一著芡則鼓翅飛鳴不復
怯亮是真淺色中極蒼老之蟲曾於常熟遇一名將已
鬪十餘柵不行夾與之合對合鉗卽勝之鬪後僵立不

食半日卽斃下鋒蓋毒蟲也

烏青

此沙青也四字長頭黑青項淡金鬪絲黑面竹釘白牙
烏金尖翹背厚尾勾早秋頗帶藍光至霜降後光彩忽
斂大似乾象落湯亦無湯光而吃食貼雌並無老態遍
體蒙茸如沙如霧遇鬪則遍柵飛騰從不多咬較之湯
前尤爲猛健輕忽視之失其真矣

紫金背

烏頭青項白背紅鉗生體渾長早秋以爲烏頭銀翅惟

蛭性瘦劣受芘無情養至深秋頭色純紫鬪線俱紅翅
變赤金色肉身乾結腰圓尾勾盆情熟糯芘步極靈每
鬪輒小口出局金翅且係紫色似屬早蟲當其未變之
前若以之出鬪鮮有不敗可見駕馭之難

老殼重青

深頭圓項腰背渾厚烏金頭金絲麻路鐵皮項寬濶多
沙黑油肉似粗實老糙米長鉗頭皮衣殼光彩濃厚六
足圓長合鉗輕快此蟲未出柵時已在人手中盆鬪數
十次直至深湯曾無老意真三秋常勝之將也

脆項重青

小四字頭方項重青頭皮淡金鬪路黑面長紅鉗腰背
潤厚肉細尾尖秋初出土純乎黑色後褪重青曾受大
麥氣觸諸蟲一時癱斃此蟲獨癱而後蘇出柵逢兇受
一重口其項裂去一條翅根俱見顏色鮮紅項內似另
有一層皮殼合鉗頗重兼能受口惟曾受麥觸脚力稍
軟耳項至爆裂並無水出是真變蟲

老白青

圓頭圓項腰背闊厚肚腹多毛肉鱗黎黑狀類螻蛄淡

黃頭皮鬪絲微白黑面白鉗爛斑項厚而起黃毛淡青
金翅鳴聲獨鬆而少力六足粗壯兩尾純紫几鬪十數
柵無敵此蟲於處暑前出土卽極蒼老腿脚微黃渾身
滑色收養月餘項上漸起毛丁並不見爲光滑油毛砂
血色色俱全其爲秋禊伏禊均不得而知卽謂爲隔年
之蚤也可

油黃

出土頗似烏背青藍青項烏金頭皮惟蓬頭金鬪絲類
黃蟲耳生體高厚黑面長紅鉗養僅半月遍體發油腿

脚肉身俱如蜜蠟鬪絲頭色悉化沙毛盡卸早起沙聲
日日鬪之未逢敵對甫交霜降卽僵立盆中蓋早秋將
軍也

紅牙方青

半身頭項前方後方短濶高厚狀貌奇異烏金頭皮淡
金鬪路微覺粗浮長方黑面濶板紅鉗皮殼蒼老鳴聲
頗似濶翅肉輕而絨脚圓而壯行夾最重交口卽合鉗
敵蟲無不絕芟三秋無敵此鎚鏡之將也

白青麻

白蠟麻頭藍青項糙白鬪絲麻路如絲爪絡布滿頭上
黑面紅鉗平頭直項腰背潤圓尾尖而有肉彷彿合船
形白肉白脚顏色極足毫無嬌艷嫩光因釐碼太輕不
甚愛惜早秋卽以出鬪直至結冬約鬪二十冊所向無
前可見五色諸蟲無論何時出土但得肉身乾結皮殼
蒼老雖欠喂養工夫已是勝人一等誰云淡蟲不可以
早鬪也

黑藍尖翅

深頭起眼角光明如漆紉金鬪絲藍青項黑面老白牙

腰闊背駝尾尖有肉烏金尖翅精彩如藍寶而底色尤
濃鳴聲特異響逾一切入柵鼓翅聒叫無間蓋由天光
足透土氣兼全其力裕其聲洪爲歷年所僅見六足明
淨肉似黑絨而肚腹白如傅粉其行口極似元年之大
黑黃從未合針亦無勒夾交鋒只一湊來蟲已絕芟真
無上上品也鬪至霜降在舟中喂養偶爾跳躍鑽入夾
艙搜尋慌亂竟至壓斃爲之悶悶者累日至今惜之

方青大頭

頭項方濶淡青頭皮鬪絲微白腰背寬厚遍體黃光出

身最早秋蟲上市已先出土旬餘肉色蒼狸六足粗壯
早秋卽係光滑項毛似屬鑽光養至月餘色光漸變沙
毛俱足體亦結方褪盡黃光翅色與蝦青無異落湯卽
起沙聲淡紅牙長而且厚自破口至結冬未有與對咬
者可稱三秋將軍

紅牙乾青

細糯結實肉身如米粉團成頭足而圓項深而厚金絲
透頂翅色澄清若藍玻璃籠罩乾紅牙祇開一線六足
隨身兩鬚微短每日開盆從未見其行走喂食須送至

嘴邊偶爾移動亦不出方寸一入柵籠則鼓翅飛騰其
走如駛數遇大敵其最著名者橫山橋之六翼尖翅直
咬數百口酣鬪至一時許敵蟲幾斃而精神倍加又有
蕩口黑大頭亦曾飛鬪百口激去一抱頭脚下鋒猶且
鬪至結冬迄今多嘖嘖稱道之者

白牙青

此與許景仁之左搭白牙青頭皮鬪線翅色肉身宛然
無二惟一則潤圓駝背一則桿子生身材貌稍遜耳此
蟲亦係糯米白蚰早秋養於悶筒咬嚙敗絮致損牙關

功遠錄
左首一牙坐而不動亦已置之無用至霜降時偶試一
鬪右牙甫閉敵蟲已跳躍不止落日之重迥異尋常試
以出鬪累柵皆然足稱無敵如使兩牙並用卽較之左
翅白牙青其勇猛豈肯多讓哉

老黑紫黃

方頭潤項短厚生身開光黑面鉗大逾恒兩眼起而且
前當面視之迥殊一切狀貌奇特黑漆頭皮金黃鬪線
鐵皮項翅色濃重而露金光紫油肉絨毛撮緊不辨肉
鱗六足圓長兩尾黑而細潤週身寶光閃閃於日中照

之第覺其精彩深沉非祇一色比以他蟲殆無不精神
淡薄矣尤可怪者早秋未落雌時竟將磨細瓦盆嚙成
一孔深可分餘長且二三分許其牙鉗之硬直與金石
同堅每鬪一處人皆爭避轉柵極難以故游厯蘇常兩
月餘僅鬪八九柵咬盆成孔亦養蚤家所罕見也

金青麻頭

頭項寬大生體闊圓勒尖至尾蜜蠟頭皮黑面乾紅鉗
鬪絲綉直而多麻路黑青項淡金翅遍體金光鳴聲尖
急腿脚明淨肉細尾輕湯前十餘鬪夾口平平不甚出

色至交小雪愈冷愈健至逢兇不行夾此種譜稱金青
真間色中之貴品也

白牙重青

大頭寬項高厚滿方相屬上品烏金頭皮糙白鬪絲黑
青項方白牙肉身細潔腿腳渾長惟底色不甚濃厚於
日中照之則不能掩其嫩相黑色之蟲愈濃愈貴出土
時惟項生白毛者多不中用以其非潮卽嫩也此蟲出
土稍嫩故其黑色浮而不沉底色淺而不厚祇以狀貌
雄俊已能占彩當場實非上等名將也

紅牙青尖翅

四字長頭深圓項腰寬背滿肉絀尾尖糙白鬪絲黑青
尖翅淡紅牙粗圓而頭銳其色較重青爲淡比正青則
深蓋因土色不足以致色光淺薄間有嫩光然其生相
則爲尖翅中所最貴故數遇名將均非對手長至後有
陽羨人來會鬪來蟲係二十餘鬪之上將只一二口勝
之此蛩當是變蟲若第執其色而論決爲皮相家所擯
棄是其力量精神當又在牝牡驪黃之外矣

乾青

圓頭圓項生體潤圓青金頭皮淡金麻路項不甚青毛少而極蒼老譜所謂項上起毛丁者是也乾紅紺不長大而牙門極緊週身毛燥肉細而潤色較苗葉青稍老正如寒露中稻葉將黃未黃之際另具一種輕倩蒼老之色背厚腰圓兩尾尖紺性最猛烈早秋騰躍跳擲受口能盤浴湯後則交口卽勝更不二口白白露至冬至鬪二十餘柵真三秋將軍也

藍項白青

海棠頭皮頭形圓綻藍青項深而且厚淺金鬪絲細直

貫頂麻路不甚顯而隱隱作麻頭形全黑長臉濶板老
紅紺明而有光彩青金翅鳴聲尖急六足明淨肉細尾
尖霜降後破口鬪不及十柵從未合紺雖遇名將只以
輕口取勝亦從不多咬深湯益健人多避之是其力量
未有底也

黑沙青

頭圓而足項濶而深烏金頭鐵皮項生身高厚腰背豐
隆金絲貫頂絕少麻路渾身漆黑沙暈叢叢翅厚而尖
鳴聲洪亮老象紺粗於米粒肉身絨細腿脚爛斑兩尾

尖長而微紫性最怯亮開盆則奔馳不定入柵亦然以故鬪品極武脚力稍浮然一合鉗敵蟲無不頭開項裂至有跳斃者此蟲深湯中食量如早秋喂以全米粒半可立盡肚腹微拖而籠形極大亦不可解之理也

白青大頭

淺海棠頭皮黑臉方頭濶項黑門突出項色純青圓長白牙淨無黑爪淡青金翅聲若金鐘此蚤前半方濶後身稍削直若有骨無肉六足長大週身絨細色則七青三白細審之竟是淡白青籠形之大倍於他蟲狀類蜻

蚘力最勇猛實爲數年不一見之蟲品貌瑰奇自早秋收得以至深秋未曾出鬪而聲名已屬遠播及至効力當場甫經亮布輒被拆去以故僅鬪一二柵耳於以知具大本領者早得盛名亦非所宜也

烏背青

淺淡頭皮金絲麻路頭項充足生體濶圓而尾仍尖樣青項烏背黑臉紅鉗鳴聲堅急肉情絨細此蟲出土時稍稍鍊鉗鬪後則有時鍊有時不鍊所謂硬馬門也性烈尤能受口落湯後曾遇一名將初則騰擲對拔夾繼

則嚼鉗結毬直咬至千餘口彼此均已重傷卒能以小口取勝使敵蟲絕芟亦可謂真了蟲矣

黑沙白青

頭圓腮闊黑臉紅牙項皮寬厚腰背豐隆四平飽滿翅縐無迹自是頭等品貌白露中出土係淡青頭皮花青項淡青翅米色鬪絲頗嫌嫩相實則僅褪一二日耳養至月餘色光盡變霜降破口所向無前輕倩之色忽爾蒼老鳴聲帶啞遍體舖沙頭色顯係老白青鬪絲並化麻頭式樣落湯後湯光濃重均係黑沙籠罩柵中直是

黑色及出柵視之則依然淡蟲也亦可云異矣

白牙淡青

棒子生身圓頭長項腰背圓如炮仗漸漸勒尖至尾青
金頭烏頂淡青項通體如泉水澄清微帶苗葉色六足
圓長白牙白肉出土時最嫩項尙帶白毛一身毫無底
色以其生體極圓養之以爲備員而已至寒露節底色
漸靈動惟拖肚至四五鱗稱之約重二百三十毫試與
破口只一合鉗竟將敵蟲牙根咬斷落湯後以次落輕
只稱杭碼八釐鬪則轉無重夾平平一二口似咬非咬

而來蟲已走慙蘇松數屬皆然足稱無敵此實係變蟲
惟難曉其前生耳

小淡青大頭

青金頭皮金絲麻路頭圓頂潤烏頂白牙腰背不甚豐
滿尾際尤尖削狀類海蠅形肉身乾細腿脚渾長週身
光彩微帶淺碧色較苗葉青稍深此種色光頗多驍將
寒露做口並不合鉗落湯後落夾極快極重歷各碼頭
前無堅敵於小碼中尤難得也

金背白青

珊瑚頭色細白鬪絲藍項金背紫臉白牙六足純白週
身絕無草光是爲最上細種惟相貌平等出土時似嫌
匾薄養至落湯腰背俱足一經收拍居然可觀雖無驚
人之概而柵中一道金光迴殊一切其翅薄縹鳴聲如
鑼是真貴相此色最遲深湯愈健勿以其金背而早鬪
也行口輕快並不多咬惟破口太晚鬪僅四五柵耳

烏青大頭

半身頭項骨多肉少方濶生身翅厚而尖樣烏金頭鐵
皮項細金鬪絲渾身墨黑如蒙沙霧乾丁肉六足班狸

而圓壯牙不甚長尤屬闊厚此蟲出土已近秋分稍帶
滯色養未半月精彩煥發然性猛烈異常因嚙水盂致
將馬門嚙傷收捲不起偶試一鬪其落日重不可當猶
能一二口取勝後值一勁敵飛鬪數百口其時馬門已
爛不能落夾任其惡咬渾身受傷僅以頭撞而敵蟲竟
至力盡敗去蓋因其性勇猛如人之裏創苦戰不肯少
屈者然真蝨中之虎將也及至落湯馬門僵硬遂至不
食以死殆如人之有才而不遇時者歟倘無此病則以
本年結柵之蟲論之竝不在乾青白青後也

淡青大頭

大圓頭濶圓項山筍生身淡青頭皮紫面白牙鬪絲微
白肉情細糯六足明淨無斑色較苗葉稍淺此蟲短厚
濶圓尾尖有肉晶貌自是頭等惜其沙毛太輕底色甚
淺不能如寶如珠然其行口之重已是前無堅敵全才
之難於此可見

青項白肉淡青

此蟲桿子生身深頭圓項青金頭皮金絲麻路藍青項
黑面紅鉗弓背長腰尾尖肉細兩翅尖長時露金光閃

閃色比金青爲淺比淡青稍濃週身蒼老肉類乾黃玉
色六足圓長鳴聲尖急矯健善鬪秋分破口慝蘇松嘉
湖所遇多名將未逢敵手此淺色中三秋將軍也

白牙重青

頭不甚大而極圓綻烏金頭皮細白鬮絲貫頂黑面白
鉗項皮蒼老砂暈極濃身如鐵炮腰粗尾尖鳴聲如敲
金鐵肉身純細腿脚圓壯明淨精瑩週身光彩有若天
青貢緞於重青中微耀紺色實則寶光血氣所映射誠
爲青色中罕有之色力大口重竟未有一合之將養至

逢春猶鬚全尾足健若早秋也

銛字青大頭

大頭圓綻項極寬深前身潤厚幾無倫比青金頭皮糙
白鬪絲老白牙長拄盆底生體有類海螭形然較之大
頭尖尾之蟲則又形高闊此等生身當在一等肉色純
正腿腳圓壯初出土絕類淡青色光微嫩至深秋一變
殼老色濃青項青金翅鳴聲丁丁自是青蛩正色合銛
極重力大於身此蟲蓋蜻蜓變也

老殼沙青

常熟喂養秋蟲早秋只喂飯一顆至捉戶販戶並皆間日喂飯蓋欲其肉少而頭項大也然每至餓壞致蟲體受傷雖有佳蟲難期結柵椿大沙青於九月初始行出賣當時肉不甚足生體闊方頭圓項濶青金頭皮淡金麻路老象鉗啟閉甚捷鳴聲尖急六足渾長渾身顏色澄清絕無潮嫩等病食量最大能盡米兩粒而腹不垂鬪至落湯轉能得肉毫碼亦比湯前較重鳴聲微啞週身沙霧叢叢光彩若爲沙掩其性最烈進湯更甚開盆見亮卽已鼓翅張牙故其合鉗最重偶遇勁敵直將來

蟲咬斃惟足力稍遜實早秋餓傷之故也

黑殼紫青

大頭方項生體濶厚尾際微鬆烏黑頭皮銀紅鬪絲細
沉貫頂濶板紅牙六足粗壯類蟹踞形鳴聲洪亮肉黑
而絨黑色而帶藍光不得謂之茄皮紫鬪絲細而紅色
又決非是天藍青名之爲黑殼紫青特就其色與鬪絲
言之耳至其狀貌魁琦精神雄健所向無前尤爲間色
中所罕見

紅砂白肉紫

四字長頭黑臉頭色濃似紫蒲桃銀紅鬪絲貫頂長方
紅鉗寶光射目淡金翅上起紫紅砂鳴聲尖急腰背豐
滿肉細而微紅六足白淨無瑕籠形高大閉鉗極快敵
蟲未有與對咬者秋分鬪至結冬未有敵手

小青大頭

頭項生身與銛字青大頭無稍異毫碼較小三十餘點
而蒼老則過之此蟲青金頭深青項細白鬪絲渾身碧
色是真苗葉青深紅鉗極長極厚翅緊聲洪尾尖肉細
腿腳淨白落口最重雖遇名將未曾對咬是小碼中出

色之蟲狀貌籠形總高人一等宜其三秋無敵也

白牙真黑

圓頭圓項山笋生身烏金頭皮明於點漆淡金鬪絲細
直透頂黑絨項青底而糝黑沙闊面方腮老白牙尖長
如竹釘式翅如元緞濃厚光明絕無膏藥痕跡腰背豐
滿腿脚斑狸兩尾光潤細糯尖長雖渾身純黑而肚腹
白於傅粉鳴聲洪亮至冬間落湯後一夜忽變沙聲其
聲煩碎較他蟲之起沙者愈形驟急霜降節破口鬪十
數柵從無二夾只一閉鉗曾不用力敵蟲於跌出後猶

跳躍不止其行口眞爲罕見按此蟲顏色與同治九年之黑色白牙竟無少異五色諸蟲能得正色皆屬無敵此蓋眞正黑色也

紅牙淡白

此蟲於白露前出土色屬白青相頗高厚微欠沙毛六足淨白肉細無比養至霜降褪去青色竟成白蛭深頭圓項腰長尾尖淺黃頭皮匾白麻路黑面紫紅牙式帶長方有如紫寶石光彩奪目於淡色中最爲少見厚桃皮項上起毛丁翅色如經霜老草作淺白色鳴聲寬濶

落湯後驟變沙聲籠形最大數遇名將未嘗多咬杭人
諺云白肉紅牙是了蟲直爲此蟲寫照矣

白牙黑藍青

深頭濶項烏金頭皮開光黑面細白鬪絲貫頂項皮寬
濶圓厚沙暈重重絕無分心項眼色與深青大呢無二
老白牙長大而帶尖樣翹如點漆聲若洪鐘肉更極絨
極細腰身濶厚漸漸勒尖尾際尖而有肉六足圓勁矯
健無倫週身光彩正如碧天雨過玉宇澄清早秋破口
直鬪至深湯王孫鑑稱天藍青爲無敵今於此蟲益信

青項金青

頭圓而足項大包頭淡金頭皮金絲麻路烏頂黑臉糙
米白牙鐵皮青項腰圓背厚早秋長身拖肚頗類土狗
形翅如赤金細黃毛肉六足粗壯矯健多力豎翅作丁
丁聲鬪不二夾此蟲於處暑前出土曹平稱二百點深
秋只稱分六釐落湯已乾老鬪僅六七柵耳然論其鬪
功曾於常熟遇一名將合鉗勝之時已絕芟後聞此蟲
仍鬪結柵則當日之勇猛可想矣

愈字青尖翅

四字長頭眼角極起烏金頭皮金絲透頂黑青項老白
牙細長而尖樣糙金翅鳴聲啾啾似啞實急腰背高厚
肉細尾尖六足不甚長壯然一著芡卽遍柵飛騰如風
檣陣馬勢不可遏其性猛烈偶遇重口必加重以還敵
蟲無不絕芡落湯至大雪翅忽爛去竟成禿背蓋毒蟲
也

白牙紫青

頭項圓足生體短濶尾際仍尖頭色彷彿茄皮鬪絲則
紅白相間老白牙黑項烏金翅皮殼蒼老而帶黑色腿

脚圓勁並極精瑩初出土時底色淺薄近乎草青後則
翅色變黑爲金頭色化烏爲紫出口極重善鬪能盤乍
視之似屬渾色實則老殼紫青耳

紅牙紫白

頭形圓綻青金頭皮匾白鬪路烏頂黑面寶石紅牙項
深而闊青底上糝白沙腰背寬厚生體如蓮子形翅色
淺淡而露金光鳴聲驟急出土便極蒼老六足與肉身
俱白秋分破口直至結冬未逢敵手按此蟲色相自是
細種惟具此肉身顏色欲得頭項整齊生身寬厚已屬

難得加以寶石紅牙週身蒼勁宜其三秋無敵矣

麻頭老白青

深圓大頭爛斑青項蜜蠟頭皮鬪絲扁白而多麻路黑
面方腮眼如點漆腰圓背厚兩尾尖長六足明淨肚腹
肉鱗竝起珠光淡金翅鳴聲尖急有類金鐘老黑紅牙
粗而有鋸刺鬪三柵未見行夾霜降節後忽立而僵驗
之蟹臍發黑蓋以傷發而斃也按是秋自處暑至秋分
月餘不雨出土堅硬多致乾裂蟲在土中用鐵杆掘起
或爲泥塊擠傷竟至不壽誠爲可惜此蟲蒼老乾結爲

淡色中所罕有卽以色相而論亦屬出類拔萃矯矯不羣本年秋蟲不能不推爲第一也

白牙重青

深頭潤項腰背豐隆烏金頭皮糙白麻路糯米白牙烏金翅微帶藍光較之雨過天青似覺稍遜腿腳圓勁尾細而長性最猛烈每一著茨卽奔放衝奪如怒馬之不受羈勒臨陣交鋒一冲卽勝曾於浙江峽石鎮遇一名將兩相衝擊被咬住一腿盤旋久之甫一合鉗敵蟲跳躍幾斃其時已在深湯養不數日腿竟落去蓋因性躁

以致受傷然其勇猛誠爲無敵

白牙蟹青

大頭濶項頭角高聳兩眼向前鐵面方腮狀貌凶惡黑漆頭皮淡金麻路鐵皮項方白牙烏金尖翅生體濶方而尾極尖細六足圓勁鳴聲尖急其性猛烈非常早秋破口直至深秋前無堅敵開盆見亮則鼓翅張牙精神抖擻六足躍躍有聲歷秋冬無少異色較黑青稍淺與蟹殼青無異屢遇名將從未對咬下鋒並有鬪至結柵者可謂三秋無敵矣

白肉油青

深頭方項青金頭皮烏頂糙白麻路白牙圓大無黑爪
生體高厚六足粗長籠形最大兩翅作油綠色肉身細
結兼帶寶光此白牙青之兼油色者其發性最早中秋
卽出柵約鬪十數籠從未合針亦無重口雖遇名將只
三四叉夾無不却走殆所謂軟口者歟至交冬落湯一
日卽已老斃此蓋不進湯之蟲也

蘆花淡紫

此蟲出土時烏金頭皮藍青毛項翅若元緞六足純白

高厚方濶頭大脚長狀貌瑰異直可謂之爲天藍青初得之如獲珍璧時甫交白露乃落盆十數日黑色忽然退去項上青毛亦竝卸光變爲檳榔花項其色非青非黃渾身如蒙霜霧對之生厭初次出柵卽饒碼二十餘毫意在必敗然合鉗卽勝鬪至深湯並無敵手此殆譜所謂蘆花紫者歟蚤本化生極其善變非親自經驗不信也

小白牙青

圓頭圓項腰背俱圓烏金頭皮淡金麻路深青項翹色

稍淡不類重青亦係黑色中之淺色而肉情蒼老腿脚
白淨迥異尋常尖長白牙閉鉗極快鬪五六柵不行夾
然性最猛烈見亮則跌脚張牙卒致跌傷跳腿至不能
伸屈落湯後封將軍

淡紅麻頭

大頭深項背厚腰圓生體短闊高厚兼而有之尾際獨
尖而少肉其色非黃非紫非青衣殼肉身俱作淺紅色
淡金鬪絲麻路散布的係麻頭黑臉紅牙項不青而蒼
老肉極絨細小脚粗長兩腿微短形類蜻蜓鬪不行夾

曾於常熟遇一名將苦戰逾一時之久精神倍加觀者如堵咸以爲將遇良材未可任其相并始各用草點回蓋敵將係黃色亦結柵之蟲也

苗葉青尖翅

四字長頭黑臉長白牙青金頭皮麻路純白深圓項極蒼老腰背圓滿翅長尖直包子門作淺碧色鳴聲緊急如擊金鐘六足明淨無斑點肉情絨細而乾結異常入柵如怒馬陷陣縱橫跌宕勢不可遏按尖圓翅至深秋多變沙聲爲能受口此蟲自早秋以迄深湯鳴聲無少

異而驍健獨過他蟲此真苗葉青實不易觀之貴品也

黑大頭

深圓大頭烏金頭皮金絲麻路鐵皮項黑臉糙白牙生
體則濶圓高厚字字兼全衣殼蒼勁腿腳圓長肉黑而
細翅若烏金惟肚腹未能白淨是殆黑多而青少者惜
其性稍緩從不合鉗鬪僅三四柵耳然就其品貌而論
當爲本年首推也

白青尖翅

此蟲頭項腰背一氣渾成形同覆瓦而尾段仍尖渾身

包軋緊峭絕無邊骨翅角等病淺紅頭淡金麻路黑面
白牙青項淺烏金翅鳴聲沙而帶棉肉最絨細尾纒如
髮六足圓壯明淨無斑處暑初出土似嫌微嫩至深秋
則精神奕奕神駿異常但就色相而言已具了蟲格度
於尖圓翅中尤爲貴品惜分量太重稱至二百餘毫鬪
僅兩柵近則釐碼尙小其一百一二十毫之蟲轉得爭
花奪彩列爲前鋒此蟲以瑰異之質竟爲所掩可謂埋
沒英材矣

白牙深青

功長錄
淡烏金頭銀額金麻路長尖白牙項厚腰圓翅尖尾細
生體則頭項腿脚肉身包裹均屬相稱實平相中之貴
品也翅色則黑而不濃鬪絲則黃而兼淡介乎正青重
青之間行口極輕敵蟲交牙卽走蚤之間色最多至有
五色兼全者是蓋七青三黑之蟲也

白牙乾大頭

大頭方項腰潤尾尖生相若骨多肉少青金頭皮細白
鬪路深青毛項紫金翅兩尾微翹似嫌背肉不足淨白
牙無黑爪粗圓如米粒初出柵一冲卽勝後遇一名將

苦鬪逾時如疾風暴雨固結不可拆解卒以小口勝之
以後仍不行夾此蟲聲若洪鐘籠形莫占渾身蒼老性
尤猛烈雖欠背肉而能受盤是真瘡肉乾青小碼者時
或見之至杭碼八釐則真絕無僅有之蟲矣

黑殼淡青

大圓頭額尤豐滿鍋底黑臉頭皮較海棠色稍濃金鬪
線麻路旁出多而且細黑絨項寬厚而起爛斑山筍生
身尾尖有肉徧身黑色六足斑狸惟鬪絲頭色確係淡
青早秋白鉗後變血色象鉗行口極重閉鉗卽勝落湯

則渾身黑沙籠罩鳴聲尖厚矯健不可當中秋破日歷
蘇常琴川上洋及東鄉各鎮所向無敵

淡白青麻

頭大起棱兩眼高出額線上腦蓋如老草色淨白鬪絲
旁多麻路開光黑而濶板紅牙淡青項似欠沙毛而爛
斑墳起青金翅鳴聲丁丁然腰背尾尖肉細且厚最爲
貴品六足圓壯精瑩如玉霜降破口至大雪時猶能食
盡粒米正如人之壯年故每鬪必徧柵衝奪敵蟲從無
照面其色則白多於青是真冷蟲之無敵大將也

紅牙白

蒼白頭皮純白鬪絲貫頂面黑於漆牙紅如硃老桃皮
項上起毛丁淡金翅衣殼蒼勁聲急而沙六足淨白無
纖毫斑點一身細白肉上罩珠光此蟲出土時生體渾
長至落湯乃變至高圓濶厚兩腿透明如美玉牙紅作
寶石光行口極快力大於身此蓋真正白蛭毫無間色
者也

老紫黃

深頭圓項生體濶圓翅尖長直包至尾頭色濃紫明如

寶石麻黃鬪路濶面方腮大紅牙粗厚無比黑青毛項
紫金翅肉作紫紅色腿脚微黃兩尾尤爲絨細鳴聲尖
而帶厚是爲極蒼老之蟲最可異者早秋出土係桿子
形渾青色奔馳跳躍不可逼視以蟲試之合鉗之重迥
異他蟲寒露其色忽變肚腹收拍竟似合船形此蓋濶
圓高厚乾老細糯八字兼備者宜其無有敵手也

烏背紅牙青

高厚生身如櫃臺式圓頭起頂烏金頭皮金絲麻路黑
面紅牙青項烏背六足長大肉細而絨鳴聲洪亮方出

土時以指甲撥之輒張牙鼓翅如鬪發者其性之雄健
早秋已然諸養蛩家見之以爲見所未見臨陣只勒鉗
無重口來蟲雖極矯健亦無重口是可概見其力量矣

青項黃麻

頭項生身與黑殼淡青無少異初出土頭色係老殼青
金黃鬪絲粗直貫頂却靈活而不浮板黑臉深青項大
紅牙肉情絨細腿脚蒼老無黑斑烏翅內隱金光鳴聲
厚而且急臨鬪不甚合針但以牙撥之敵蟲卽走中秋
破口鬪路漸化蓬頭至落湯則如細絲金線麻路杖出

如柏葉樣此種的係黃麻頭養蛭數十年僅三四見耳
老黑紫

頭項生身腿脚俱稱是爲闊四平相烏頭黑面純紅鬪
絲細纒如髮紫絨項黑油肉兩翅作蘇葉色尖長白牙
行口極快極重早秋腴背潤厚得之者悞認粗黑色以
之勾口交牙卽勝未出柵前已鬪數十次矣落湯僅鬪
兩籠卒以多鬪傷發而斃誠可惜也

大牙油青

頭不大而圓足項不寬而蒼老生相平平淡紅頭皮淺

金鬪路烏頂黑臉老白牙極長大此蟲杭碼祇四釐雖六七釐之蟲牙未有大過之者初出土頗似老殼淡青秋分出柵從不行夾至落湯遍體發油寶光四射交口卽勝松江屬多小碼在上洋鬪數柵後人多避之雖有名上將亦不敢與抗衡也

小稻葉青

平頭平頂殼薄而蒼肉乾而細青金頭皮淡金鬪路青毛頂大紅牙週身碧色而帶黃光如深秋稻葉色是謂老色稻葉青此蟲僅一百二十毫屢經饒碼未逢敵手

出於本土尤爲難得

心禪居士手校

功過錄卷下

壬辰七月甲辰陽湖魯之愚印完